

Sakspapir

Sakshandsamar	Arkiv	ArkivsakID
Anne Kristin Rafoss	FE-010	18/200

Saknr	Utval	Type	Dato
011/2019	Valstyret	PS	21.10.2019

Evaluering av gjennomføringa av kommune- og fylkestingvalet 2019

Vedlegg:

Journalposttittel

Kommunestyrevalget 2019 - underskriven valprotokoll

Fylkestingsvalet 2019 - underskriven valprotokoll

Dato

12.09.2019

12.09.2019

Rådmannen sitt framlegg til vedtak:

Valstyret tar evaluering av gjennomføringa av Kommune- og Fylkestingvalet 2019 til orientering.

Saksopplysningar:

Bakgrunn

Det vart gjennomført Kommune- og Fylkestingval 9.sept 2019.

Fakta

I Masfjorden kommune stilte 6 parti lister ved kommunevalet:

- Arbeidarpartiet
- Framstegspartiet
- Høgre
- Kristeleg folkeparti
- Senterpartiet
- Venstre

Det vart halde valting i tre krinsar:

- Masfjordnes
- Hosteland
- Matre

Det var til saman 419 personar som førehandsrøysta ved Kommune- og Fylkestingvalet 2019. Dette

inkluderer ei tidleg- og ei utanriksrøystegjeving. Av desse var det 417 godkjente røystegjevingar ved kommunevalet og 388 godkjente røystegjevingar ved fylkestingvalet.

Det var til saman 564 personar som røysta ved valtinga i kommunen. Av desse var det 563 godkjente røystegjevingar ved kommunevalet og 538 godkjente røystegjevingar ved fylkestingvalet.

Dette gjer ein frammøteprosent totalt på 74,13 %

Røystesetlane vart telt opp samla - og rapportert - i følgjande tellekategoriar:

- ordinære førehandsrøyster
- ordinære valtingsrøyster
- lagt til side / seint innkome

Rutiner i vallova krev at ein del av røystene som vert sendt oss frå andre kommunar skal leggst til side og blandast saman med dei førehandsrøystene som kjem til kommunen valdagen og dagen etter (før klokka 17:00). Dette gjer ein for å sikre hemmeleg val for dei røystegjevingane som kjem aller sist fram til oppteljingsstaden. Denne oppteljingskategorien kan ikkje teljast før etter kl 17 dagen etter valet.

Vurdering

Førehandsrøysting

Førehandsrøystinga vart gjennomført som vedteke i valstyret i sak 004/2019.

På kommunehuset var det høve til å tidlegrøyste dei fleste arbeidsdagene frå 09:00 – 15:00 i perioden 1.juli – 9.aug.

På kommunehuset var det høve til å førehandsrøyste kvar arbeidsdag frå 09:00 – 15:00 i perioden 12.aug til og med 6.sept.

Ambulerande røysting vart tilbode i veke 35. Det var berre 2 personar som nytta seg av dette tilbodet.

Det vart gjennomført førehandsrøysting på biblioteka på Matre (29.aug frå 13:00 – 18:30) og Hosteland (3.sept frå 13:00 – 19:00). Det var godt oppmøte begge stader.

Fredag 6.sept var det høve til å førehandsrøyste på/ved butikkane på Kvingo, Haugsvær og Hosteland i tidsrommet 12:00 – 18:00. Det vart godt oppmøte alle tre stadane. Sidan me har elektronisk avkryssing i manntalet er me avhengig av godt nettverk for at slike førehandsstader skal fungere. På Kvingo fekk me nytte det tidlegare solariumlokalet og det private nettverket. På Hosteland fekk me nytte NAV sitt venterom og brukte mobilt nettverk. Begge desse lokala og nettverka fungerer fint. På Haugsvær fekk ein nytte det tomme frisørlokale og i dagane før 6.sept fekk me (med hjelp av IKTNH) etablert nett via kabel frå ei endå eksisterande Nettstar-antenne. Det er ikkje mobildekning rundt butikken og det er heller ikkje etablert fiber til næringseigedomen. Lokalet fungerte fint, men den mellombelse nett-tilgangen er sårbar og dyr.

Den lovpålagte førehandsrøystinga på institusjon vart gjennomført tirs 3.sept. Me hadde bestilt

møterommet til valg gjennomføringa slik me har gjort før. Førehandsrøysting på sjukeheimen er nytta både av pasientar, pårørande og personalet. Ein del av dei som skal røyste her, treng litt større plass og litt meir hjelp enn den gjennomsnittlege veljar. Det er difor viktig at ein nyttar eit lokale der det er stor nok golv plass og eigna bord både til røystekassetten og valurna. Dette var ikkje tilfellet på møterommet på sjukeheimen denne gongen. Eit stort, ikkje delbart møtebord gjorde møterommet trangt og ueigna. Me må finne ei anna løysing neste gong. Ved tidlegare val har ein nytta ein krok i arbeidsstova som røystelokalet. Dette er ikkje ein god løysing då det ikkje vert særleg hemmeleg for ein del av veljarane som treng hjelp. Det bør difor etablerast dialog med leiinga på sjukeheimen før neste val og slik sikre at førehandsrøystinga på institusjon kan bli gjennomført på ein god og trygg måte både for veljarane og valmedarbeidarane.

Valting

Valting vart gjennomført som vedteke i valstyret som sak 005/2019.

Røystestyrene - inkludert vara - som vart oppnemnd i valstyret som sak 008/2019 møtte fulltallige. På Matre og Hosteland møtte og ein representant frå ungdomsrådet. På valtinga var det elektronisk avkryssing i manntalet. For å gjere det enkelt, vart det berre etablert eit brukarnamn og passord for valpc-ane. Dette kompliserte utskrift av møteboka då eit valting skreiv ut eit anna valting si møtebok. Det er difor berre elektronisk møtebok frå valtinget på Matre. Dei to andre fylde ut og signerte papirkopien. Ved neste val bør det etablerast tre brukarnamn og passord slik at alle kan kontrollert skrive ut si møtebok. Ein bør og vurdere å aktivere ei brikke til kvart valting til utskrift.

Konklusjon

Førehandsrøystinga på biblioteka og på/ved butikkane er no godt etablert og fungerer tilfredsstillande. Ein bør etablere dialog med sjukeheimen i god tid før førehandsrøystingsdagen for å sikre at ein tilbyr førehandsrøysting i eit godt eigna lokale.

Ein må etablere eit brukarnamn og passord til kvar av pc-ane som vert nytta på valting slik at ein kan sikre utskrift av elektronisk møtebok til signering.

Valstyret - 011/2019

VS - behandling:

Saka vart drøfta.

Formannskapet bad om at det vart tinga nok røystesetlar til partia ved neste kommuneval.

Framlegg til vedtak vart samrøystes vedteke.

VS - vedtak:

Valstyret tar evaluering av gjennomføringa av Kommune- og Fylkestingvalet 2019 til orientering.